

Morning Dogri (NSD) Bulletin 17-05-2024

आकाशवाणी

खबरां नाटयपाल सिंह कोला।

1 बक्ख-बक्ख राजनैतिक पार्टिं दे सिरे दे लीडर लोकसभा चुनाएं च बाकी बचे दे मरहलें लेई मुख भरै च जोरें शोरें कन्नै चुनांs प्रचार करा'रदे न।

2 लोकसभा चुनाएं दे 7में गेड़ लेई नामांकन वापस लैने दा अज्ज खिरी ध्याड़ा ऐ।

3 प्रधानमंत्री नरेंद्र मोदी होरें आखेआ ऐ जे भारत दा चुनांs आयोग दुनिया लेई इक मिसाल ऐ।

4 मौसम सरबंधी मैहकमे नै उत्तर पच्छमी भारत ते बिहार च अगले 4 सवां 5 दिनें तोड़ी बड़ी मती गर्मी पौने दी पेशनगोई कीती ऐ।

5 महिला मुक्केबाजी च निखत जरीन नै कजाकिस्तान दी तोमिरिज़ मिर्जाकुल गी 5-0 कन्नै हराया।

6 आई.पी.एल क्रिकेट च सनराइर्जस हैदराबाद नै प्ले ऑफ लेई क्वालीफाई करी लैता ऐ।

<><><><><><>

Campaign

बकख-बकख राजनैतिक पार्टिएं दे स्टार प्रचारक अज्ज उत्तर प्रदेश च प्रचार करा रदे न। बीजेपी दे सीनियर लीडर ते प्रधानमंत्री नरेंद्र मोदी होर अज्ज लगातार दुए ध्याड़े उत्तर प्रदेश च प्रचार करडन। ओह बाराबांकी, फतेहपुर ते हमीरपुर चुनां हल्कें च चुनां रैलियां करडन। सोनिया गांधी, राहुल गांधी ते प्रियंका गांधी, समाजवादी पार्टी दे प्रमुख अखिलेश यादव होर किट्ठै रलियै रायबरेली च चुनावी जनसभा गी संबोधित करडन। राहुल गांधी ते अखिलेश यादव होर अमेठी सवां बीजेपी दी मेदवार स्मृति ईरानी दे खिलाफ चुनां लड़ा रदे कांग्रेस दे मेदवार किशोरी लाल शर्मा हुंदे समर्थन च प्रचार करडन। उत्तर प्रदेश दे मुखमंत्री योगी आदित्यनाथ होर बलरामपुर, बाराबांकी, लखनऊ ते अयोध्या च चुनां प्रचार करडन जदकि मध्य प्रदेश दे मुखमंत्री मोहन यादव होर GAINSADI च चुनां रैली गी संबोधित करडन।

<><><><><><>

AAP

आम आदमी पार्टी दे राष्ट्रीय संयोजक ते दिल्ली दे मुखमंत्री अरविंद केजरीवाल होरें जंदी संझा अमृतसर च चुनां रैली करियै पार्टी गितै लोकसभा दे चुनां प्रचार दी शुरूआत कीती। उनें पंजाब दे मुखमंत्री भगवंत सिंह मान हुंदे कन्नै इक रोड शो बी कीता ते लोकें अग्गे आम आदमी पार्टी गी राज्य दी सब्बे 13 सीटें उप्पर जताने दी अपील कीती।

<><><><><><>

7th Phase

लोकसभा दे 7में गेड़ दे चुनां लेई मेदवारी वापस लैने दी अज्ज खीरी तरीक ऐ। इस गेड़ तैहत 7 राज्यें ते 1 केंद्र शासित प्रदेश दिएं कुल 57 लोकसभा सीटें पर पैहली जून गी वोट पोआए जाडन। इंदे च उत्तर प्रदेश ते पंजाब दियां 13-13 सीटां, पच्छिम बंगाल दियां 9 सीटां, बिहार दियां 8 सीटां, ओडिशा दियां 6, हिमाचल प्रदेश दिआं 4, झारखंड दिआं 3 ते चंडीगढ़ दी 1 सीट शामिल ऐ। वोटें दी गिनतरी 4 जून गी होग।

<><><><><><>

PM

प्रधानमंत्री नरेंद्र मोदी होरें आखेआ ऐ जे चुनां आयोग दुनिया लेई इक अनोखा संगठन ऐ। दिल्ली च इक मीडिया हाउस गी दिते गेदे इंटरव्यु च श्री मोदी होरें इस गल्लै पर जोर पाया जे दुनिया दे सामने अपने बड्डे ते प्रमुख कम्म दस्सना उंदी सरकार दी जिम्मेदारी ऐ। उनें आखेआ जे लोकतंत्र च चुनाएं गी छड़ा हार जां जित्त दे रूप च परिभाषित नैई कीता जाना लोड़चदा। उनें आखेआ जे चुनां कुसै बी पार्टी दे संदेश गी बिजन कुसै छेड़छाड़ यां भटकाव दे सिद्धे लोकें तगर पुजाने दा मौका प्रदान करदे न। श्री मोदी होरें कांग्रेस पर जबानी हमला करदे होई दावा बन्नेया जे कुसै पार्टी लेई लोकतंत्र दा मतलब छड़ा सत्ता च बने दे रौहना गै ऐ। उनें आरोप लाया जे कांग्रेस पार्टी दे सदस्य गांधी परोआर दी विरासत दे बोझ हेठ दबोए दे न।

<><><><><><>

IMD

मौसम सरबन्धी मैहकमे नै उत्तर पच्छम भारत ते बिहार च अगले 4 सवां 5 दिनें तोड़ी बड़ी मती गर्मी पौने दी पेशनगोई कीती ऐ। एहदे अलावा 20 मई तोड़ी पच्छमी राजस्थान, पंजाब, हरियाणा ते दिल्ली च बी बड़ी मती गर्मी पौने दे सार न। पूवी ते मध्य भारत च बी बड़ी मती गर्मी पवा रदी ऐ। दक्खन भारत च तमिलनाडू, पुडुचेरी, कर्नाटक ते केरल च भारी बरखा पौने दी संभावना ऐ।

<><><><><><>

PM-Trinidad

त्रिनिदाद ते तोबैगा दे प्रधानमंत्री डॉ. कैथ Dr. Kaith Christopher Rowley होर भारत कन्ने दपक्खी सरबन्धे गी होर मजबूत करने ते त्रिनिदाद च इक क्रिकेट अकेडमी खोलने लेई एल्लै मुम्बई दे दौरै पर न। डॉ. Christopher ते उंदी घरे आली Sharon Rowley हुंदा महाराष्ट्र दे गवर्नर रमेश बैस ते उंदी घरे आली रामबाई बैस होरे राजभवन मुम्बई च विधिवत तौरा पर सुआगत कीता।

<><><><><><>

Coast-Guard

भारती तटरक्षक बले आई.सी.जी नै भारतीय समुंद्रे च गैर कनूनी ङ्गै कन्ने दाखल होआ रदी श्रीलंका दी 5 किश्तिएं गी फगड़ी लैता ऐ। आई.सी.जी समुंद्री

जहाज रानी दुर्गावति नै पार्क स्ट्रेट च गश्त करदे होई प्वाइंट कोलीमेयर च शूबे आली गतिविधियां दिक्खियां। श्रीलंका दी 5 किशितियां भारतीय समुंद्रे च मछलियां फगड़ा करदियां ही।

<><><><><><>

World Telecom Day

इंटरनेट ते होरनें सूचना ते संचार तकनीकें दे इस्तेमाल दिएं संभावनाएं प्रति जागरूकता बधाने लेई अज्ज विश्व दूर संचार ते सूचना सोसायटी दिवस मनाया जा रदा ऐ। एह तकनीक समाज ते अर्थ बवस्था च तब्दीली आहनने दी समर्थ रक्खदी ऐ। स्हाड़ा मुख्य अज्ज डिजिटल खेतर च इक वैश्विक नेता दे रूप च उभरिये सामने औने ते अपने बसनीकें गी बाअखितयार बनाने दी महत्वपूर्ण डिजिटल जातरा दा जश्न मना करदा ऐ।

<><><><><><>

Boxing

महिला मुक्केबाजी च मजूदा विश्व चैंपियन निखत जरीन होरनें त्रै मुक्केबाजे दे कन्नै कजाकिस्तान दी राजधानी अस्ताना च एलोर्ड कप 2024 दे फाइनल च पुज्जी गई ऐ। निखत जरीन नै कल महिलाएं दे 52 किलोग्राम भार वर्ग च मकामी मुक्केबाज टोमिरिस मिर्जाकुल पर 5-0 कन्नै बड़ी प्रभावशाली जित दर्ज कीती। 48 किलोग्राम भार वर्ग च मीनाक्षी नै कजाकिस्तान दी मुक्केबाज गुलनाज बुरीबायेवा पर जित दर्ज कीती। जदके 60 किलोग्राम भार वर्ग च

मनीषा नै तंगतर असेम गी हराया। 50 किलोग्राम भार वर्ग च अनामिका वास नै कजाकिस्तान दी गुलनार तुरापवे पर जित्त दर्ज कीती। फाइनल मुकाबला कल होग।

<><><><><><>

IPL

आई.पी.एल क्रिकेट च सनराइजर्स हैदराबाद नै प्ले ऑफ लेई क्वालीफाई करी लैता ऐ। एहदे शा पैहले गुजरात टाइटन्स दे खलाफ उंदा मैच लगातार बरखा करी टॉस दे बगैर गै रद्द करना पेई गोआ। रायल चैलेंजर्स बेंगलुरु ते चेन्नई सुपर किंग्स बश्कार प्ले ऑफ च चौथी ते खीरी थाहरलेई लड़ाई अजें बी जारी ऐ। अज्ज मुम्बई इंडियन्स दा मुकाबला लखनऊ सुपर जायंट्स कन्नै होग। वानखड़े स्टेडियम च एह मैच संझा साङ्गे 7 बजे शां खेड्पेया जाग।

<><><><><><>

Manika-Batra

भारत दी नंबर 1 टेबल टेनिस खडारन मनिका बत्रा ते तजुर्बेकार शरथ कमल पेरिस ओलंपिक 2024 लेई 6 मैम्बरी भारती टेबल टेनिस टीम दी अगुवाई करडन। भारती टेबल टेनिस महासंघ आस्सेआ कल टीम दी घोषणा कीती गई। भारती ओलंपिक टेबल टेनिस टीम लेई सब्बनै 6एं खड्पारिं दी ताल विश्व रैंकिंग दी बिनाह पर कीती गई ऐ। भारत दे नंबर 1 टेबल टेनिस खड्पारी शरथ कमल दा दुनिया च 40मां रैंक ऐ। दुनिया दे 62में नंबर दे खड्पारी मानव

ठक्कर ते 63में नंबरै दे राश्ट्री चैपियन हरमीत देसाई मर्दे दी इस टीम च होडन। मनिका बत्रा पिच्छले हफते सऊदी रमैश च ऐतिहासिक प्रदर्शन दे बाद करियर दी सब्बने शा बेहतरीन विश्व रैंक यानि 24में थाहर पर पुज्जी गेइयां न। जदके श्रीजा अकुला 41मीं रैंकिंग ते अर्चना कामथ 103मीं रैंकिंग पर न ते ओह महिला टीम दे मकाबले च हिस्सा लैडन।

<><><><><><>